

Federaziun da las baselgias evangelicas da la Svizra

Communicaziun a las medias
Berna, ils 7 favrer 2017

La Federaziun da las baselgias evangelicas dat il Premi svizzer da pregias en l'onn dal giubileum da la refurma

„Vulair pensar, pudair agir, dastgar crair" – sut quest motto dal giubileum da la refurma dat la Federaziun da las baselgias evangelicas da la Svizra l'onn 2017 per la segunda giada il Premi svizzer da pregias che è dotà cun CHF 3'000. Tut las infurmaziuns sin www.schweizer-predigtpreis.ch.

Mintga dumengia van en las baselgias evangelicas da la Svizra dapli che duamilli predicaturas e predicaturs sin chanzla per dar testimonianza dal pled da Dieu e per reflectar la relevanza da l'evangeli per oz. "La pregia è in'ovra d'art cumplessiva da teologia, experientscha da vita e cumpetenza linguistica", uschia il president da la Federaziun Gottfried Locher: "La Federaziun da las baselgias evangelicas vul cun ses premi apprezzar e promover l'art da pregiar."

Il Premi svizzer da pregias vegn dà en duas categorias: pregias en lingua tudestga u rumantscha e pregias en lingua franzosa u taliana. Mintgamai ina giuria premiescha la purtadra u il purtader dal Premi da pregias. Il Premi svizzer da pregias è dotà cun total CHF 3'000 e vegn surdà ils 6 da november 2017 a Berna.

Ina pregia ha ses lieu en il cult divin da la raspada en il context d'in rom liturgic sco er en ina realitad d'ina plaiv. Perquai tshertga la Federaziun da las baselgias evangelicas pregias ch'ins ha gia tegnì quel mument ch'ellas vegnan inoltradas. Envidads da sa participar al Premi da pregias èn tuts che han in mandat da pregiar en ina plaiv.

A la giuria da la Svizra tudestga e rumantscha vegnan a far part: Caroline Schröder Field (Basel, premiada 2014, presidenta), Andrea Bieler (Basel), Lucas Zapf (Basel-Lugano), Ruedi Heinzer (Spiez), Cornelia Camichel Bromeis (Davos), Esther Krättli (Chur).

A la giuria da la Svizra franzosa e taliana vegnan a far part: Jean-Luc Blondel (Nyon, president), Olivier Bauer (Lausanne), Carmen Burkhalter (Neuchâtel), Simon Buttica (Lausanne), Simona Rauch (Vicosoprano), Paolo Tognina (Manno).

Tut las infurmaziuns sco er las cundiziuns da participaziun sin www.schweizer-predigtpreis.ch.